

## IOMASI'Ö NDRAUGÖ YESU

Edisi I, No. 1/33  
Teks sumber: Tuhan Merindukanmu  
Penulis: Rini Koesdyanto  
Penerjemah: Clementina Rahmani  
Pengisi Suara: Clementina Rahmani

Omusö sibai dödögu wafalukhasagu khömi ira talifusö, maökhö andre. Hadia duria? Faduhu dödögu wa somuso tödö göi ami fefu. Na so zi lö omuso dodo, ha börö ngawalö gabula dödö si lö sawai nasa. Faduhu sibai dödögu wa na no mirongo dania gerenua ni faemagu andre, ba falukha ami howu-howu Zoaya, börö me ö'si nifaemagu andre yayia da'ö fanötöna saro, si lö tola lö tatema, ba duria somuso dödö, turia fondrege zisökhi.

Ya'ami ira talifusögu ni'omasiö ba khö Keriso, hadia aboto ba dödömi, wa iomasi'ö sibai ami Yehowa? Na mi bokai dödömi khö-Nia, ba ihatö'ö ia khömi, irege oroma khömi lakhömi-Nia. Duhu wa ahato sibai Yehowa khöda. Börö da'ö omasido ufaema khömi hewisa wa'ahakhö dodo Yehowa andrö khö niha ni'omasiö-Nia.

Hadia no irai alua ba waurimi, wa afu-afumi falukha khö niha ni'omasiömi? Na ba nahia sitola mukhamö so ia, ba ha sambalö wa mifalukhaisi ia bada'ö. Na lö'ö, he ha fatalifo, ma zui mifaohe'ö khönia SMS. Hiza'i na niha andrö no mate sa'ae, hatö fanörö tödö ya'iyä, ma famaigi kodania, zifao fanotöna wa tola dania falukha ba mbanua furi. Sindruhu wa faauri niha andrö no faauri silöaetu, ba na no mangawuli ia khö Zoaya, so wa'omasi silo mamalö-malö.

No irai alua ba wa'aurigu, wa edöna sibai ndrao falukha khö niha ni'omasiögu, fondrege wa'awakhö-wakhö dödögu, me lö tola lö önö wa'wa fandrö-ndröu ndra'aga, börö me möi ia molohi faatua-tua ba danö zaröu siyefo. No dua fakhe we'faoma, sambua mboto bawaomasi, ba hiza, ba ginötö da'ö lö tola lö fabali. Me no aefa ufasao ia irugi göfa sihombo nitörönia, ba urasoi wa hatö tambai dödögu, hulö no iröido sitambai dödögu. Me luö da'ö hatö fe'e zalua khögu. Ba zilö utötöna, ba mohede khögu Geheha Niamoniö ilau mamaele'ö sabakha sibai, ba irugi iyada'a no falemba sibai bakha ba dödögu. Hadia ia da'ö?

Sindruhunia, ifahaödo Yehowa ena'ö tola urasoi zimane si no alua khö-Nia, me awakhö-wakhö dodo-Nia ba wabalisa. Imane ba daromali-Nia, ya'iyä andrö no amaedola mboto sangila fa'atebaida, no simanö Ia, tenga ha sangila tödömi ba sangomasi'ö sibai ya'ami, no göi itörö wa'atobali niha, itörö wamakao, awö wa'awakhö-wakhö dodo.

Mangarö sibai dödögu me no itörö ndrao fa'abu dodo andrö ba mendrua manö wa'afökhö ba dödö Yehowa me itehögö nono-Nia si ha samösa, fabali khö-Nia. Ba zilalö, lö irai fabali Yehowa khö Yesu, me no faoma ba zilötebulö-bulö Ira. Ba me teforöfa Yesu, ba mohede Ia, imane: "Eloi, Eloi lama sabakhtani?". He Lowalangigu, He Lowalangigu, hana wa Ö'erogö Ndraodo? Sindruhu wa'awakhö-wakhö dodo zalua ba ginötö da'ö, me fabali Yesu khö Nama-Nia. Ama ni'amoniö lö omasi wamaigi ono-Nia si no afönu horö. Yesu si lö horö, no tobali sanaögö horöda, börö wa ngatulö'ö Nia ya'ita (2 Kor. 5:21). No simanö wa'asökhi dodo Lowalangi khöda, irege iröi nono-Nia ni'omasiö-Nia.

Ya'ami ira talifusö ni'omasi'ö khö Keriso, maökhö andre, no ngaluo wa'abu-dödö me akhari-khari dödöda omasi ita falukha ita khö wondrege ni'omasiöda, simane si so ba dodo Lowalangida. Hearsa ginötö, ba lö tola lö ibaloi, hulö nitutunö ba zura Luka 15 amaedola samösa nama sero maökhö wombalo fangawuli yomo nononia, ifaigi-faigi aröu ba lala, ba idöna-döna wa mangawuli nononia andrö.

Ya'ami ira talifusö ni'omasiö mitehegö khögu, da usofu khömi, hadia barödae no aröu ami moroi khö Yehowa? Hadia no taya ami moroi ba hörö-Nia, börö gera-erami, lala wa'aurimi, ma fariawösami, oi saröu moroi khö Lowalangi? Gofu hewisa wa'araiömi ba horö, ba lö si tebai I'efaö khömi Amada ba zorugo, na soroi ba dödömi mifuli ami khö-Nia. Na ömane tödöu, hewisa wa tola itema ndrao, no rai'ö sibai ndrao, no elungu wa'aurigu.

Talifusögu ni'omasiö ba khö Yesu. Na no erege dödömö, ba na no abua noromö, hadia edöna'ö molombase, ba ö'halö wangera-ngera wa no hulö nono selungu, börö da'ö ö'halö gangaetula wa ö'fuliö. Börö nono andrö no faduhu dödönia wa itema ia mangawuli amania.

Ba zimaökhö andre, uila sibai waomasi Yesu, no fondrege zebua, so wa'abudödö ba wombalo nidöna-döna, ngarö-ngarö dödö ba wamalua faomasi sebua hulö na tebai ifalua. Tanga-Nia andrö no ibokai ba wanema ya'ita. Hadia aboto ba dödömi wa omasi sibai Ia na italagui ami, ena'ö sarege khö-Nia ami, omasi iheta noromi, ba ibali'ö noro-Nia, ba ifonukha ami baru safusi sibohou, ba ibe'e laeduru ba duru mi ba ilau gowasa sebua ba wangawulimi andrö?

Aboto ba dödögu, wa so ba gotaluada zomasi mangawuli maökhö andre hadia yangö da'ö talifusö? Imane ba daromali-Nia, mi aine khögu sarege tödö, ba ufolombase ami. Höli tödöu, ha wa ebua waomasi Yesu andrö, fuli'ö khö-Nia, he talifusögu. Lö aröu nahia-Nia, no ahatö sibai ia khöu. Gofu heza so ndraugö, ba ibaloi'ö Tuada Yesu safönu faebua dödö andrö. Ondrasi Ia ae'e ba dalagu-Nia lö itimba ndraugö, omasi sibai Ia khöu, ae'e tema wa'omasi-Nia, akhari-khari dödö-Nia wa'nema ndraugö.

Ba gafuriata wa'afaondrada andre, be'e dangamö ba dötö'amö. Hiza, ba da'a, ha ya'ugö, ya'odo, ba Yesu zi so. Da mangandrödo salahimi iyada'a.

"He Ama, möiga maondrasi ndraugö, soroi sibai ba dödöma, sifao fa'aurima maasambua, mangandrödo salah talifusögu andre, somasi mangawuli khö-U. Tema ira Tua Yesu, gogohe dangara, fazawa ba talagui ira. No anehe ndraugö dödöra fondrege zabakha, heta khöra horöra soya si no lafalua, tufa tanga-U si no fahöna howu-howu.

Ira talifusögu, mitema iya'dae wa'abölö Geheha sitola mamadöhö zokho dödömi. Yafalukha ami wa'ebua dodo-Nia si lö ikhamö fangera-ngerami. Ba döi Yesu, safönu faomasi mangandrödo. Yaduhu."

Ya'Ifahowu'ö ita Yesu Keriso.